

DA BI SAČUVALA MIR U KOMIŠILUKU, ŽENSKA OSOBA BILA PRIMORANA GLASATI ZA ODREĐENOG KANDIDATA NA IZBORIMA

Komšijski pritisci i dilema pred Opće izbore 2022. godine

Ženska osoba (38 godina), politički neopredijeljena, prepričava svoje mučno iskustvo sa Općih izbora 2022. godine ukazujući na složenost pritiska na birače u svojoj lokalnoj zajednici koji je najprije počeo kao pokušaj da proda svoj glas za nadolazeće izbore. Naime, ona se našla u neočekivanoj situaciji kada joj je prišao komšija i rođak s ponudom da glasa za konkretnu stranku i konkretnog kandidata za gradonačelnika. Odmah je naveo kako joj može dati 50 KM u zamjenu za njen glas.

Odbijanje ponude za prodaju glasa i suočavanje sa prijetnjama

Ona je odbila ponudu iako je njen komšija insistirao da je to odlična prilika da za samo jedan glas dobije novac. Međutim, na dan izbora, bila je zatrpana pozivima i porukama komšije, koji joj je ovaj put otvoreno naredio da glasa za kandidata o kojem su razgovarali. Otišao je toliko daleko da je zaprijetio prekidom njihovog dugogodišnjeg komšijskog i porodičnog odnosa na što sada gleda kao na emocionalnu manipulaciju.

Prodaja glasa zarad mira na kućnom pragu

Na kraju navodi kako je morala donijeti tešku odluku i da je glasala za navedenog kandidata na izborima, ali ne radi novca, već

NOTES

date ____ / ____

da bi sačuvala mir na svom kućnom pragu i da ne bi izgubila dobar odnos sa komšilukom. Navodi kako je svjesna da je podlegla emotivnom pritisku koji je na nju vršio njen komšija i rođak i da joj je žao što je do cijele situacije došlo zbog jednog glasa na izborima.